

# SCRIPTA

---

**Numéro Scripta :** 1315

**Auteur(s) :** Caen (bailli)

**Bénéficiaire(s) :** Bayeux (chapitre cathédral)

**Genre d'acte :** charte

**Authenticité :** non suspect

**Datation :** 1285, 20 juin

**Lieu d'émission :** Caen

**Action juridique :** autre

**Langue du texte :** ancien français

## Analyse

Le bailli de Caen fait connaître l'accord établi, à son assise, entre le chapitre de Bayeux et Michel de Courtonne, sieur de Lasson : celui-ci renonce à toutes ses prétentions sur la dîme de Lasson.

## Tableau de la tradition

### Éditions principales

a. Bourrienne Valentin (Abbé), *Antiquus cartularius ecclesiae Baiocensis (Livre noir)*, Rouen-Paris, Lestringant-Picard (Société de l'histoire de Normandie), 1902-1903, 2 vol., n° DXLII, t. 2, p. 292-293.

Texte établi d'après a

A touz cels qui ces lettres verront, le baillif de Caen, saluz. Comme contenz fust meu, par devant nos, entre hommes ennorables et discrez le déen et le chapitre de Baiex, d'une partie, et mestre Michil de Cortonne, cleric, de l'autre, sus la diesme de Lachon, que le dit déein et chapitre ont tenu, bien et en paes, els et lor devantiens, quarante anz et plus, si lor voloit demandeir le dit Nichole par aucunes resons que il disoit, saechent touz que, en la parfin, l'an de grâce mil ijc quatre vinz et chinq, le mercredi devant la Nativité seint Jehan Baptiste, les parties soffisamment présentes par devant nos, le dit Michiel, de sa bone volenté, sanz porforcement, mist tout le contenz devant dit en dit et en l'ordenance du devant dit déen à fer, en haut et bas, sa pleinère volenté en toutes choses, en teil manière que le dit déein doit dire son dit à la seconde assise de Caen, par devant nos le ballif, se le terme n'est à l'origine du consentement des parties. Et por le dit et l'ordenance du dit déen tenir et fermement gardeir, le dit Michiel obliga, par devant nos, touz ses biens muebles et immuebles présenz et à venir, où que il soient, et rendre touz les couz et les damaeges que les diz déein et chapitre y auroient par la défaut de ceste paes tenir. E en renoncha à tout privilège pris et à prendre, et à toute grâce otroiée et a troier, et à toute autre exception, et de fet et droit, par quei ceste paes porroit estre dépéciée ou retargié. En tesmoig de la queil chose, nos, à le requeste des parties, avon fet metre en ceste letre le seel de la balliee de Caen, sauve la dreiture le Rey et l'autri. Ce fu fet l'an et le jor devant diz.